

IMAQARNILIAQ MAA - Meeqqanut Atuarfeqarnermullu Ataatsimiititaq 05-08-2020

Ulloq ataatsimiiffissaq Onsdag 05. august 2020 kl. 18:00

Ataatsimiiffissaq Kommunalbestyrelsip ataatsimiittarfia

Indholdsfortegnelse

Saqqaa.....	3
Oqaluuserisassat akuerineqarneri.....	4
Nalunaarutit.....	5
Ilisimatitsissutit.....	6
Kvartalimut ilisimatitsissut - Peqqinneq susassaqtitsivillu.....	7
Aalajangiiffigisassat.....	10
Suliat Aningaasaqarnermut Inuussutissarsiornermullu Ataatsimiititamut.....	11
Ukioq atuarfusoq 2018/19 pillugu atuarfiit pitsaassuseq pillugu nalunaarusiaat.....	12
Taasariaqartut allat.....	16
Lukket.....	17
Imaqarniliap akuerineqarnera.....	18

IMMIKKOORTOQ 0: Saqqaa

Ilaasortat

Michael Rosing (Sam), siulittaasoq.

Henrik Rachlev (IA)

Hans Jukku Noahsen (IA)

Uju Petersen (IA)

Thiiooq Knudsen (S)

Beslutning

Najuuttut: Michael Rosing (Suleqa), Uju Petersen (IA) aamma Hans Jukku Noahsen (IA)

Oqarasuaatikkut: Thiiooq Knudsen (S) aamma Henrik Rachlev (IA)

IMMIKKOORTOQ 1: Oqaluuserisassat akuerineqarneri

Beslutning

Oqaluuserisassat akuerineqassapput

IMMIKKOORTOQ 2: Nalunaarutit

2a. siulittaasup nalunaarutai

2b. ingerlatsiviup nalunaarutai

Beslutning

2a.

1. Atuartut elevhjemmimi najugallit Ittoqqortoormiineersut, Nuuliartussat, toqqaannartumik Islandikkooratik apuunnissaat sulissutigineqarpoq. Tamanna piffissamik nukissanillu atuilluarnerussaaq, tassami ilinniartitsisoq siumut utimullu ilaasariaqanngimmat.

2. Ittoqqortoormiini atuarfiup pisortaatut atorfik inuttassarsiuqqinneqarpoq. Siullermeernermi taamaallaat qinnuteqartut marluupput, Ingerlatsiviullu inuttassarsiuqqinnissaq toqqarpaa, qinnuteqartunik amerlanerusunik toqqagassaqaarnissamat. Atuarfiup pisortartaarnissaata tungaanut, ilinniartitsisut ilaat pisortaatikkallarneqassaaq.

3. Aamma Arsummi atuarfiup pisortaatut atorfik inuttassarsiuqqinneqarpoq. Siullermeernermi qinnuteqartoqarsimangilaq.

4. Atualeqqaarnissap peqqinnissamik oqartussat innersuussutaat naapertorlugit pilersaarusionera aallarteerpoq.

2b.

1. Siusinnerusukkut ilisimatitsissutaareersutut ingerlatsivik aaqqissuuseqqiffigineqarpoq. Immikkoortoq siulleq naammassillugu atuutilersinneqareerpoq, taamaalillutik innersuussisartut maannakkut ulluunerani neqeroorutitut akuulerput, taavalu sunngiffimmut tunngasut atuarfeqarnermut ilaatinneqalerlutik. Alloriarnerup tullia tassaassaaq ineriartortitsinermut sulisutut atorfimmik pilersitsinissaq, taanna meeqqeriviit nutaat aallartartinnissaannik akisussaaffeqassaaq, tassunga ilanngullugu atuarfik nutaaq, aammalu ineriartortitsinermut suliasat, politikikkut tulleriissaarinerit tunngavigalugit ingerlatsivimmit aallartinneqartussat.

2. Ingerlatsivik sivisuumik, aammalu sivisuumik napparsimaneq peqqutigalugu sulisunik amigaateqarsimavoq, taakkununga ilanngullugit ACfuldmægtigit atorfik, ilaatigut suliasinnik ingerlatsisussaq amigaataasimalluni. Taamaattumik nuannaarutigaa oqaatigissallugu, maanna oktobarip aallaqqaataaniit nutaamik sulisortaaleratta. Taakkua saniatigut ingerlatsivik atorfinnik arlalinnik inuttassarsiuussaqarpoq, allagarsiuteqqitanik ilaqartunik. Neriuppugut oktobarimi tamakkissalluta.

IMMIKKOORTOQ 3: Ilisimatitsissutit

Beslutning

Ilisimatitsissut tusaatissatut tiguneqarpoq

IMMIKKOORTOQ 03A: Kvartalimut ilisimatitsissut - Peqqinneq susassaqartitsivillu

Beslutning

Ilisimatitsissut tusaatissatut tiguneqarpoq

Ilanngussat

2020-mi kvartali appaat pillugu ilisimatitsissutit katiterneqarnerat

Kvartalimut ilisimatitsissut - Peqqinneq susassaqtitsivillu

2. kvartali 2020

Ilisimatitsissut

J.nr.: 55.00

Suliffeqarfimmum Kiffartuussineq – Kommunaldirektøri Lars Møller-Sørensen / LMS

Suliassamik eqikkaaneq

Peqqinneq Sammisassaqtitsivillu 2019-imi kvartalit aappaanni anguniakkatut angusimasat katitersimalerpai. Kvartalit aappaat covid 19-imit sunnersimanearpoq, taamaammallu sammisassat ikinnerupput. Kvartalikkuaartumik ilisimatitsissutit Meeqqanut Atuarfeqarnermullu Ataatsimiititamut ilisimatitsissutit ingerlateqqinneqarput.

Inassuteqaat

Meeqqanut Atuarfeqarnermullu Ingerlatsiviup Meeqqanut Atuarfeqarnermullu Ataatsimiititamut inassuteqaatigaa:

- ilisimatitsissut Meeqqanut Atuarfeqarnermullu Ataatsimiititamit tusaatissatut tiguneqassasoq

Suliamik saqqummiussineq

Peqqinneq susassaqtitsivillu pillugit 2020-mi kvartalit aappaanni kvartalikkuaartumik ilisimatitsissut. Peqqinneq susassaqtitsivillu Paamiuni, Tasiilami Ittoqqortoormiini immikkoortortaqarpoq, kiisalu Sermersooq Nipilersornermik Ilinniarfimmik aamma Naluttarfik Malimmik immikkoortortaqarluni.

kvartalit aappaat 2020 – aprili, maaji aamma juuni, ilaatigut makku ingerlanneqarput:

- Ittoqqortoormiini meeqqanut inuusuttuaqqanullu umiatsiartitsinerit ingerlanneqarput.
- Naluttarfimmi nalunnguariaatsit assigiinngitsut ingerlanneqarput
- Sermersuup illoqarfiini tamani inuiattut ullorsiorneq allaanerusoq.
- Hallit ammaqinneqarput
- Nipilersornermik ilinniarfiup Facebook LIVE atorlugu innuttaasunik aliikkusersuineq ingerlappaa.
- Pisutta allagartarsuit Nuummi bussit unittarfiini assigiinngitsunut iliorarneqarput, innuttaasut pisunnerulernissaannut kaammattorneqassasut siunertarineqarpoq.

Kvartalit aappaanni sammisassaqtitsissutit aaqjissuussallu sinneri ilanngussami siullermi "Peqqinneq Susassaqtitsinerlu pillugit 2020-mi kvartalit aappaanni ilisimatitsissutit katiterneqarnerat" atuakkit.

Aaqjiissutissatut siunnersuut – suliaticigut naliliineq

Peqqinneq susassaqtitsivillu kvartalini marlunni angusimasat naammagisimaarpai, taamaattoq anguniakkat innuttaasut pisariaqartitaannut naapertuuttunngorlugit inerisaaneq aallutiinnarniarlugu, Suleqatigiinnissamik isumaqatigiissummi anguniakkat innersuussutigalugit.

Aningaasatigut sulisoqarnikkullu naliliinerit

Soqanngilaq

Inatsisitigut tunngavissaq allakkallu tunngaviusumik uppersaaitallit

Kulturikkut ingerlatsineq sunngiffimmilu sammisassaqaartitsineq pillugit Inatsisartut inatsisaat nr. 5, 6. juni 2016-imeersoq
Inuuneritta II
Susassaqaartitsineq aamma kulturikkut anguniakkat pillugit MA-mut suleqatigiinnissamut isumaqatigiisummi anguniakkat.

Ingerlariaqqinnissaq

Kvartalikkuaartumik nalilersuinerit ilisimatitsissutitut Peqqinneq susassaqaartitsivillu Meeqqanut Atuarfeqaqarnermullu Ataatsimiititamut ingerlaavartumik nassiuttarpai.

Aningaasaqarnermut Allatseqarfimmit oqaaseqaatit

Aningaasaqarnermut Allatseqarfimmit oqaaseqaartitsisoqanngilaq.

Innuttaasunik peqataatitsineq/attaveqaqatigiinneq

Soqanngilaq

Ingerlatsivinnit allaniit oqaaseqaatigineqartut

Soqanngilaq

Ilanngussat

1. 2020-mi kvartali appaat pillugu ilisimatitsissutit katiterneqarnerat

IMMIKKOORTOQ 4: Aalajangiiffisassat

Soqanngilaq

Beslutning

Soqanngilaq

IMMIKKOORTOQ 5: Suliat Aningaasaqarnermut Inuussutissarsiornermullu Ataatsimiititamut

IMMIKKOORTOQ 05A: Ukioq atuarfiusoq 2018/19 pillugu atuarfiit pitsaassuseq pillugu nalunaarusiaat

Beslutning

Inassuteqaat akuersissutigineqarpoq

Ilanngussat

Ataatsimut pitsaassutsimik nalunaarusiaq qall./kal.

Ukioq atuarfiusoq 2018/19 pillugu atuarfiit pitsaassuseq pillugu nalunaarusiaat

Ilisimatitsissut

J.nr.: 51.00-G01-435-18

Meeqqanut Atuarfeqarnermullu Ingerlatsivik – Pisortaq Lone Nukaaraq Møller / LNM

Suliassamik eqikkaaneq

Atuarfiit pitsaassuseq pillugu nalunaarusiaat kiisalu ingerlatsiviup atuarfiit pitsaassusii pillugit ataatsimut nalunaarusiaa Meeqqanut Atuarfeqarnermullu Ataatsimiititamut matumuuna saqqummiunneqarput. Atuarfiit pitsaassutsimut nalunaarusiaat, Atuarfik pillugu Inatsisartut inatsisaat nr. 15, 3. december 2012-imeersoq § 49 tunngavigalugu atuarfiit ukioq atuarfiusoq kingulleq nalunaarusiarisartagaannik imaqarput. Tamatuma saniatigut ingerlatsivik atuarfiit pitsaassusii pillugit ataatsimut nalunaarusiornikuuvoq, atuarfiit pitsaassuseq pillugu nalunaarusiaanni pingaernerit naatsumik eqikkaarneqarnerannik imaqartoq.

Inassuteqaat

Meeqqanut Atuarfeqarnermullu Ingerlatsiviup Meeqqanut Atuarfeqarnermullu Ataatsimiititamut inassuteqaatigaa:

- ilisimatitsissut tusaatissatut tiguneqassasoq
- ilisimatitsissut Aningaasaqarnermut Ataatsimiititamut aamma Kommunalbestyrelsimut ilisimatitsissutitut ingerlateqqinneqassasoq.

Suliamik saqqummiussineq

Atuarfiit pitsaassutsimut nalunaarusiaat, Atuarfik pillugu Inatsisartut inatsisaat nr. 15, 3. december 2012-imeersoq § 49 tunngavigalugu ukioq atuarfiusoq qaangiuttoq kingullermi trintest, misilitsinnerit iliuusissatullu pilersaarutit allallu imarai. Tamatuma saniatigut ingerlatsivik atuarfiit pitsaassusii pillugit ataatsimut nalunaarusiornikuuvoq, atuarfiit pitsaassuseq pillugu nalunaarusiaanni pingaernerit naatsumik eqikkaarneqarnerannik imaqartoq.

Pitsaassuseq pillugu nalunaarusiani ataasiakkaani atuarfiit ukioq atuarfiusoq 2018/19-imi nassuiaanerit malillugu, ingerlatsiviup qulequtsiussaasa ilaat pillugit suliniutitik nassuiaateqarfivaa, tamakkulu tunngavigalugit ukioq atuarfiusoq 2018/20-mut anguniagassalersortutik. Pitsaassuseq pillugu nalunaarusiamiipputtaa ukiup atuarfiusup kingulliup ingerlanerani anguniakkat malitseqartinneqarnerat kiisalu ukiumi atuarfiusumi anguniakkat pillugit suleriaqqissimaneq. Tamatuma saniatigut alloriarfinni misilitsinnerit aamma inaarutaasumik misilitsinnermi karakterit atuarfinit qitiutinneqarput.

Soraarummeertutaaq ilinniagaqalernissamut inuussutissarsiornermut ilinniagaqalernissamut sumut ingerlariaqqikkusunnerat pitsaassuseq pillugu nalunaarusiami takuneqarsinnaavoq. Kisitsisit ukioq atuarfiusumut siulianut (2017/18) nallersuukkaanni, 2018/19-imi atuartut ilinniagaqalernissaminnut pilersaarusiortut amerleriarsimapput. Siornaak atuartut ilinniagaqalernissaminnut pilersaaruteqartut 73,6 %-iusimapput 2018/19-imilu 1,8 %-imik amerleriarsimallutik. Ilinniagaqartut suliffeqartullu kisitsisinngorlugit katikkaanni siornaammiit amerleriaqqipputtaa. 2017/18-imi 83,6 %-ii meeqqat atuarfianni soraarummeereerunik

ilinniagaqalerniarlutik imaluunniit sulilerniarlutik oqarsimapput. Ukioq atuarfiusumi 2018/19-imi kisitsisit taakku 86 %-imut amerleriarsimapput.

Ilinniartitsisut, piareersarfinni ilinniartitsisut timelærillu ukioq atuarfiusoq 2018/2019-imi ima agguataartinneqarput. 2019-imi novembarip qaammataani kisitsisit suliarineqarput.

Atuarfik	Ilinniartitsisut	Piareersarfimmi ilinn.	Timelæri	Katillugit
Nuuk	254	0	2	256
Kitaa ilanngunnagu Nuuk	30	0	1	31
Tunu	62	2	31	95
Kommuneqarfik Sermersuumi amerlassusaat tamakkerlugit	346	2	34	382

Nuummi ilinniartitsisut 256-iusimapput, taakkunanngalu marluk timelæriullutik. Paamiunit, Qeqertarsuatsiaani Kapisilinnilu atorfiit tamarmik ilinniartitsisunit ilinniarsimasunit inuttaqartinneqarsimapput.

Tunumi ilinniartitsisut ilinniarsimasut 62-iusimapput, piareersarfinni ilinniartitsisut marluk timelærillu 31-t.

Aaqqiissutissatut siunnersuut – suliatigut naliliineq

Atuartut soraarummeertut 66 %-ii inuusuttuunermi ilinniakkamut kiisalu efterskolernermut il. il. ingerlariaqqipput. Tamatuma saniatigut atuartut 10 %-ii meeqqat atuarfianneereermermi kingorna ingerlaannaq sulilerusupput.

Atuartut oqaatsit pillugit atualerniartut taakkuupput inuusuttut ilinniakkamik aallartissimangitsut akornanni kisitsinermi ilaatinneqartut. Ingerlatsivimmit naliliineq naapertorlugu taakku 2 %-erai. Procentinngorlugit naliliinermi katillugit atuartut meeqqat atuarfiannik naammassinnereersut 78 %-ii ilinniakkamut imaluunniit suliffimmut ingerlaqqipput.

Atuartut ilinniagaqalersimangitsut imaluunniit sulilersimangitsut arlaqartut tassaapput innarluutertik peqqutigalugu allatigulluunniit peqquteqartumik immikkut atuartitaasimasut, tamanna erseqqissassallugu pingaaruteqarpoq.

Kommune tamakkerlugu QAQISA atulersinnissaa siunertaralugu CSR Greenland ingerlatsivimmit ataatsimeeqatigineqarpoq. Atuartut periarfissatik ilisimaarinerulerniassamatigik inuussutissarsiornermut tunngasut atuarfimmi sammineqarnerunissaat pillugit CSR Greenland suleqatigineqassaaq. Taamaalillutik inuusuttut meeqqat atuarfiannik naammassinnereertut amerlanerusut ilinniagaqalernissaat anguneqarsinnaavoq.

Aningaasatigut sulisoqarnikkullu naliliinerit

Soqanngilaq

Inatsisitigut tunngavissaq allakkallu tunngaviusumik uppernarsaatitalit

Atuarfik pillugu Inatsisartut inatsisaat nr. 15, 3. december 2012-imeersoq § 49

Ingerlariaqqinnissaq

Soqanngilaq

Aningaasaqarnermut Allatseqarfimmit oqaaseqaatit

Aningaasaqarnermut Allattoqarfimmit oqaaseqartitsisoqarsimangilaq.

Innuttaasunik peqataatitsineq/Attaveqaqatigiinneq
Innuttaasunik peqataatitsinertaqanngilaq

Ingerlatsivinnit allaniit oqaaseqaatigineqartut
Soqanngilaq

Ilanngussat

1. Ataatsimut pitsaassutsimik nalunaarusiaq qall./kal.

IMMIKKOORTOQ 6: Taasariaqartut allat

Beslutning

Michael Rosing (SAM): Kingullermik ataatsimiititap ataatsimiinnerani siunnersuutigineqartutuut oktobarip ingerlanerani Islandiliarsinnaaneq misissorsimavarput. Aalajangerpugut marlunnik qulequtaqassasoq, taamaalilluta meeqqanut atuarfeqarnermullu tunngasuni peqqinnissamik siuarsaanermut tunngasut Islandimilu atuartitaaneq paasisassarsiorfigissallugit, taakkununga ilanngullugit alimasissumit atuartitsineq qanoq suleriaaseqarfigineraat, aammalu inuusuttut atuarfimmit anigaangamik qanoq ingerlariaqqitsinneqartarnersut paasiaaaffigissallugit. Oktobarip ullui 17.-24. siunniuppavut, taamaattumik ullorsiuutissinnut taakku nalunaaqutsereersinnaavasi. Ataatsimiititami ilaasortat angalanissaminnut kissaateqarunik ataatsimiititamut allatsimut attaveqarsinnaapput.

Hans Jukku Noahsen (IA): Kommunalbestyrelsimut siunnersuutaareersunik apeqquteqarneq. Ilaatigut Kapisilinni naatitsiviliorsinnaaneq, Qinngutsinni klubbi, nipilersornermik sungiusartarfiit, kulturimut tunngasunik silami aaqqissuinerit

Henrik Rachlev (IA): Meeqqanut silami sammisassaqaartitsineq amigaataavoq, pitsaaliuinerimik periarfissat, peqatigiiffilerineq, timersorneq.

IMMIKKOORTOQ 7: Lukket

IMMIKKOORTOQ 8: Imaqarniliap akuerineqarnera

Beslutning

Imaqarniliaq akuersissutigineqarpoq nal. 14.45